



MØTEBOK

Organ	Fylkesutvalet
Møtestad	Leikanger - Fylkeshuset, møterom Sygna
Møtedato	03.12.2018
Kl.	17:05 – 18:25

Faste medlemmer til stades:

Jenny Følling, Sp
Sigurd Reksnes, Sp
Aleksander Øren Heen, Sp
Trude Brosvik, KrF
Åshild Kjelsnes, Ap
Hilmar Høl, Ap
Helen Hjertaas, Ap
Bjørn Erik Hollevik, H
Gunhild Berge Stang, V

Til stades med møte- og talerett:

Fylkesrådmann Tore Eriksen

Sekretariat for møtet:

Svein Hågård, Marit Silje Husabø og Merete Husabø Nornes

Ingen merknader til innkalling og sakliste.

Fylkesutvalet valde fylkesordføraren og Åshild Kjelsnes til å godkjenne møteboka på vegner av organet.

Munnlege orienteringar:

Sogn og Fjordane Energi AS (SFE): Advokatfirmaet Lund & Co, v/adv. Ulf Larsen og adv. Per Andreas Bjørgan, og konsernsjef i SFE, Johannes Rauboti, orienterte og svarte på spørsmål om dei pågåande forhandlingane med BKK. Fylkesutvalet fann Hilmar Høl inhabil til å ta del under denne sekvensen, jf. forvaltningslova § 6 første ledd, bokstav e), nr. 2.

Fylkesutvalet vedtok å lukke dørene i samband med orienteringa og spørsmålsrunden, jf. kommunelova § 31 nr. 5, jf. offentleglova § 23 første ledd.

SAK 134/18 Godtgjersle til dei folkevalde - endring av reglement

Frå fylkesrådmannen låg det føre slik tilråding til vedtak:

Fylkesutvalet rår fylkestinget til å gjere slikt vedtak:

1. Fylkestinget endrar punkt 1.6 i reglementet «Arbeidsvilkår for folkevalde», slik at det vert opna for å gjere unntak frå regelen om reduksjon i den faste godtgjersla for fråvær som skuldast sjukdom. Sjukdomen må kunne dokumenterast.
2. Endringa får verknad for heile fylkestingsperioden 2015-2019.

Fylkesutvalet fann Hilmar Høl inhabil til å delta ved handsaminga av saka, jf. forvaltningslova § 6 andre ledd.

Endringsframlegg:

Arbeidarpartiet sette fram slikt framlegg til tillegg til pkt .1:

Punkt 1.6, Reduksjon i fast godtgjersle, vert endra slik:

For folkevalde som deltek i mindre enn 2/3 av dei møte utvala har i løpet av kalenderåret skal den faste godtgjersla reduserast med 50%. Fråvær som skuldast sjukdom, og som kan dokumenterast, skal ikkje telje som fråvær i denne samanhengen. Godtgjersle vert i alle høve ikkje gjeve utover perioden den folkevalde er vald for.

Avrøysting:

Fylkesrådmannen sitt framlegg, saman med Arbeidarpartiet sitt tillegg, vart samrøystes vedteke.

Dette gir følgjande VEDTAK:

Fylkesutvalet rår fylkestinget til å gjere slikt vedtak:

1. Fylkestinget endrar punkt 1.6 i reglementet «Arbeidsvilkår for folkevalde», slik at det vert opna for å gjere unntak frå regelen om reduksjon i den faste godtgjersla for fråvær som skuldast sjukdom. Sjukdomen må kunne dokumenterast

Fylkestinget endrar punkt 1.6 til følgjande:

For folkevalde som deltek i mindre enn 2/3 av dei møta utvala har i løpet av kalenderåret, skal den faste godtgjersla reduserast med 50 %. Fråvær som skuldast sjukdom, og som kan dokumenterast, skal ikkje telje som fråvær i denne samanhengen. Godtgjersle vert i alle høve ikkje gjeve utover perioden den folkevalde er vald for.

2. Endringa får verknad for heile fylkestingsperioden 2015-2019.

SAK 135/18 Norsk Sjøfuglsenter - endra organisasjonsform

VEDTAK:

1. Fylkeskommunen skal vere medlem i foreininga Norsk Sjøfuglsenter.
2. Fylkeskommunen sine representantar til årsmøta i foreininga Norsk Sjøfuglsenter resten av fylkestingsperioden vert:

Representant: Fylkesordføreren
Vararepresentant: Fylkesvaraordføreren

3. Fylkeskommunen sin medlem i styret i foreininga Norsk Sjøfuglsenter vert:
Styremedlem: Trude Brosvik

SAK 136/18 Planprogram for revisjon av regional planføresegn om lokalisering av handel og kjøpesenter (handelsføresegna)

VEDTAK:

1. Planprogram for revisjon av regional planføresegn om lokalisering av handel og kjøpesenter (handelsføresegna) vert vedteken slik den ligg føre.

SAK 137/18 Sogn og Fjordane fylkeskommune sin eigarskap i Sogn og Fjordane Energi AS

Fylkesutvalet fann Hilmar Høl inhabil til å delta ved handsaminga av saka, jf. forvaltningslova § 6 første ledd, bokstav e), nr. 2.

VEDTAK:

Fylkesutvalet rår fylkestinget til å gjere slikt vedtak:

1. Sogn og Fjordane fylkeskommune har til hensikt å overføre inntil 80 prosent av fylkeskommunen sine aksjar i Sogn og Fjordane Holding AS til kommunane i Sogn og Fjordane, innanfor rammene av søksmålet mot BKK og innanfor rammene av ein rettskraftig dom i saka.
- Overføringa føreset at
- det vert rettskraftig avgjort av overføringa ikkje utløyser forkjøpsrett til Sogn og Fjordane Holding AS sine aksjar i Sogn og Fjordane Energi AS
 - kommunane får konsesjon frå Olje- og energidepartementet til å eige
 - aksjeoverføringa ikkje får negative konsesjonsrettslege konsekvensar for Sogn og Fjordane Energi AS eller selskapet sine dotterselskap.
2. Dersom føresetnadene i pkt. 1 vert oppfylte, vil fylkestinget
- gjere vedtak om overføring og samstundes fastsetje kor mange av fylkeskommunen sine aksjar i Sogn og Fjordane Holding AS som skal overførast til kommunane i Sogn og Fjordane
 - fastsetje korleis aksjane skal fordelast på kommunane og
 - fastsetje når og på kva vilkår overføringa skal skje.
3. Fylkestinget ber fylkesrådmannen, i samråd med Sogn og Fjordane Holding AS, utarbeide utkast til aksjonæravtale og nye vedtekter for Sogn og Fjordane Holding AS for endeleg godkjenning i fylkestinget samstundes med at fylkestinget gjer vedtak om overføring av aksjar i Sogn og Fjordane Holding AS til kommunane.
4. Fylkesutvalet får fullmakt til å syte for at generalforsamlinga i Sogn og Fjordane Holding AS gjer vedtak om endringar i selskapet sine vedtekter for å førebu overføringa av aksjar til

kommunane innanfor rammene av søksmålet mot BKK, mellom anna ved å opprette to aksjeklassar i selskapet.

SAK 138/18 Skriv og meldingar 3. desember 2018

Følgjande skriv og meldingar vart handsama:

- 1: 85 000 barn har dødd av underernæring i Jemen. Støtt Redd Barnas arbeid!
- 2: Statens Vegvesen - Rapport flaum 14. -15. oktober - oppdatert 19.11.18
- 3: Tilleggsnotat til FT- sak 56/18 Budsjett 2019 / økonomiplan 2019-2022

VEDTAK:

Fylkesutvalet rår fylkestinget til å ta inn følgjande nytt punkt i FT-sak 56/18:

Det skal fremjast sak for fylkestinget i april 2019 i høve:

- Oppfølging av FT-sak 25/16 «Tannhelsetenesta – ein framtidsretta klinikk- og tenestestruktur»
 - Resultatoverføringsordningane på dei ulike sektorane.
-